

ORGANI SHQYRTUES I PROKURIMIT

Sipas Nenit 109 të Ligjit nr. 04/L-042 për Prokurimin Publik të Republikës së Kosovës, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092

Ankese kunder: **Ministria e Kulturës, Rinisë dhe Sportit**

Për Aktivitetin e Prokurimit:

Nr i prokurimit	207-24-1140-4-1-3
Nr i brendshëm	207-24-007-4-1-3

Sa i përket tenderit për: **Zhvillimi i projektit ideor dhe të hollësishëm, te arkitekturës dhe te inxhinierisë, për ndërtimin e *Teatrit të Operës dhe Baletit të Kosovës, në Prishtinë, në Republikën e Kosovës - Ritenderim**

1 Identifikimi i ankuesit*

Emri i Kompanisë: **GOE "Gerber Architekten International GmbH & HARK architecture"**

Adresa: **Tönnishof 11, 44149, Dortmund, Gjermani**

Numri Telefonit/ Numri i Faks-it: **+49302088641**

Emri i plotë i përfaqësuesit të kompanisë suaj: **Thomas Claudius Lucking**

Adresa elektronike: **gai@gerberarchitekten.de**

Data e parashtrimit të ankesës: **15.11.2024**

Nënshkrimi dhe vula:



2. Identifikimi i avokatit

Parashtruesi i ankesës mund ta parashtroj ankesën vetëm ose përmes avokatit të tij. Nëse ankesa parashtrohet përmes avokatit, atëherë duhet bashkangjitur autorizimin e përfaqësimit me PROKURË.

Shëno të dhënat si në vijim:

Yll Zekaj

(Emri i avokatit)

Rr. Holgen Pedersen, Obj. Punëtori Group, Lok. 01/03, Prishtinë

(Adresa e plotë)

044/375-730

(Numri i Telefonit)(Numri i faks-it)

yll.zekaj@gmail.com

(Adresa elektronike)

15.11.2024

(Data e parashtrimit të ankesës)

AVOKAT - LAWYER
Yll Zekaj - SH.P.K.
Nr.L: 222672-Prishtinë

3. Të dhënat mbi aktivitetin e prokurimit

[Shëno një përshkrim të shkurtër lidhur me datën dhe vendin në të cilën është publikuar “ Njoftimi për Kontratë” apo “Njoftimi për konkurs të projektimit” dhe, nëse aplikohet “Njoftimi për dhënie të Kontratës”, “Njoftimi për Rezultatet e Konkursit të Projektimit” apo “Njoftimi për anulim të aktivitetit të prokurimit”, nëse aplikohet, afatin e fundit për dorëzimin e tenderit, datën dhe orën e fillimit të procesit për Hapjen e Tenderëve, si dhe kriteri për dhënie të kontratës]:

- Njoftimi per kontrate date: 16.02.2024
- Vendimi per dhenie te kontrates: 23.09.2024
- Pezullimi i aktivitetit: 27.09.2024
- Vendimi mbi shqyrtimin e kerkeses per ri-shqyrtim: 04.10.2024
- Vazhdimi i vlefshmerise dhe sigurimit te tenderit: 09.10.2024
- Njoftimi mbi Vendimin e AK datë: 31.10.2024
- Kerkesa per rishqyrtim date: 05.11.2024
- Vendimi per refuzimin e kerkeses: 06.11.2024

4. Procesi i Hapjes së tenderëve, nëse aplikohet

A keni marrë pjesë në procesin e Hapjes së tenderëve? Nëse po, specifikoni shkurtimisht ecurinë e procesit të Hapjes së Tenderëve.

Po ☐

Jo ☒

Nuk aplikohet

5. Njoftimi mbi Eliminimin e Tenderuesve, nëse aplikohet

A jeni njoftuar me shkrim lidhur me eliminimin tuaj nga pjesëmarrja e mëtutjeshme në aktivitetin e prokurimit ?

Po ☒

Jo ☐

6. Dispozitat e shkelura nga Autoriteti Kontraktues

Specifikoni dispozitën ose dispozitat e LPP-së që supozohet të jenë shkelur nga Autoriteti Kontraktues që nga momenti i publikimit të Njoftimit për Kontratë/Konkurs të Projektimit, dhe nëse aplikohet gjerë në përmbylljen e këtij aktiviteti të prokurimit me publikimin e Njoftimit për Dhënien e Kontratës apo Njoftimit për Rezultatet e Konkursit të Projektimit apo Njoftimit për Anulim.

Shkeljet e dispozitave të Ligjit nr. 04/L-042 për Prokurimin Publik të Republikës së Kosovës, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092:

- Neni 7 Barazia në Trajtim/ Jo- Diskriminimi;
- Neni 67 Provat Shkresore;
- Neni 68 Gjendja Ekonomike dhe Financiare;
- Neni 69 Aftësia Teknike dhe/ose Profesionale;
- Nenin 71 Grupet e Operatorëve Ekonomik dhe Operatorët e Huaj Ekonomik;
- Neni 72 Dokumentacioni dhe informacioni shtesë.
- RRUOPP pika 7 dhe 39

Ligji nr. 05/L-031 për Procedurën e Përgjithshme Administrative

- Neni 81 Llogaritja e afateve.

7. Deklaratë detale mbi faktet dhe argumentet

Përshkruani rrethanat faktike që përbëjnë supozimin për shkeljen e dispozitave të LPP-së. Ofroni deklaratë të qartë dhe të detajuar për faktet dhe argumentet të cilat mbështesin secilën bazë të kërkesës suaj për rishqyrtim.

I. Zhvillimi i aktiviteteve të Prokurimit nga ana e Autoriteti Kontraktues (MKRS)

1. Autoriteti Kontraktues (MKRS), me datë 23.09.2024, ka nxjerrë Njoftim mbi Vendimin e AK, për aktivitetin e prokurimit nr. **207-24-1140-4-1-3**, përmes të cilit njoftim/vendim sipas jurisë profesionale ka rekomanduar çmimin e parë (1) për **GOE**

"Gerber Architekten International GmbH & HARK architecture" me **63.36 pikë** për projektin ideor dhe **19.75 pikë** për ofertën financiare, gjithsejtë **83.11 pikë**, kurse me çmimin e dytë (2) e ka vlerësuar GOE BIG Partners Ltd & ALB ARCHITECT me 46.87 pikë për projektin ideor dhe 20 pikë për ofertën financiare, gjithsejtë 66.87 pikë të marra nga juria profesionale dhe ka eliminuar GOE MVRDV&OUD ARCHITECT si oferte e papërgjegjshme.

2. Kundër këtij vendimi ka paraqitur kërkesë për rishqyrtim GOE BIG Partners Ltd & ALB ARCHITECT.
3. Autoriteti Kontraktues (MKRS), me datë 31.10.2024, ka nxjerrë Njoftim mbi Vendimin e AK, për aktivitetin e prokurimit nr. **207-24-1140-4-1-3**, përmes të cilit njoftim/vendim sipas jurisë profesionale ka rekomanduar çmimin e parë (1) për **GOE BIG Partners Ltd & ALB ARCHITECT** me 46.87 pikë për projektin ideor dhe 20 pikë për ofertën financiare, gjithsejtë 66.87 pikë, kurse është eliminuar **GOE "Gerber Architekten International GmbH & HARK architecture"** me **63.36 pikë për projektin ideor** 0 pikë për ofertën financiare, gjithsejtë 63.36 pikë

Vendim i AK është bazuar në nenin 43.7 dhe nenin 44.2 të Rregullave dhe Udhëzuesit operativ të Prokurimit publik.

II. SHKELJET E AK NË PROCESIN E REALIZIMIT TË AKTIVITETEVE E PROKURIMIT NR. 207-24-1140-4-1-3

1. Pretendimet e AK në Njoftimin mbi Vendimin e datës 31.10.2024, për aktivitetin e prokurimit nr. **207-24-1140-4-1-3**, lidhur me eliminimin janë se **"GOE Gerber Architekten International GmbH & HARK architecture"** për shkak se *"[nuk kanë arritur të paraqesin raportet e audituara të noterizuara sipas kërkesës (pasi që raporti ishte në gjuhën gjermane dhe si i tillë i bie që është jashtë gjuhëve zyrtare që njihen sipas Ligjit të prokurimit publik, konkretisht në kundërshtim me Neni 13 Përdorimi i gjuhëve në dokumentet e prokurimit publik ku specifikohet në piken 4 Një operator ekonomik mund të paraqesë një tender, një kërkesë për pjesëmarrje apo ndonjë dokument tjetër të kërkuar apo që lejohet të plotësohet gjatë aktivitetit të prokurimit, në gjuhën Shqipe, Serbe ose në gjuhën Angleze)]*.
Pas kërkesës nga AK, Operatori Ekonomik në fjalë ka paraqitur një raport të gjuhës shqipe por që i njëjti nuk është i noterizuar, ky raport është ngritur në sistem elektronik nga kompania në orën 19:10 tri pas afatit të paraqitur nga AK, po ashtu i njëjti nuk ka paraqitur dokumentin në fjalë në formë fizike siq ishte kërkesa e AK. Te ky kriter kompania tjetër në konsorcium HARK architecture nuk ka arritur të plotësojë kriterin: 1.2-Raportet financiare, për secilin nga tre (3) vitet fiskale, të certifikuara nga një firmë e licencuar për auditim ose nga një auditor i pavarur i licencuar Ne rast të Grupit të operatoreve ekonomik- Konsorciumit (projektues), dëshmia duhet të dorëzohet në veçanti për secilin Operator ekonomik (projektues) (pasi që kompania është hapur në shkurt të vitit 2024).

Këto pretendime janë të paqëndrueshme për faktin se:

1.1. Sipas dosjes se tenderit ne kuadër të kërkesave mbi gjendjen ekonomike dhe financiare përkatësisht piken 1.2 të kërkesave për **Kapaciteti ekonomik dhe financiar është kërkuar nga Grupi i operatoreve ekonomik - Konsorciumi** [projektues], qe “*të dëshmojë se gjatë tre [3] viteve fiskale të shkuara- 2021, 2022 dhe 2023, ka siguruar të ardhura minimale vjetore bruto, në vlerë mbi 4,000,000.00 €*”. Kurse të dëshmia e kërkuar dokumentare Autoriteti kontraktues ka kërkuar qe konzorciumi të dorëzoj “*Raportet financiare, për secilin nga tre (3) vitet fiskale, të certifikuara nga një firmë e licencuar për auditim ose nga një auditor i pavarur i licencuar*[Në rast të Grupit të operatoreve ekonomik- Konsorciumit (projektues), dëshmia duhet të dorëzohet ne veçanti për secilin Operator ekonomik (projektues)]:- Një [1] kopje e origjinalit, e vërtetuar nga noteri.” **GOE Gerber Architekt International GmbH & HARK architecture** konform ligjit dhe kërkesës se Autoriteti kontraktues ka dërguar Kopjen e origjinalit në gjuhën gjermane të noterizuar të auditimit financiar për tri vitet fiskale.

Ne realizim të aktiviteteve e prokurimit NR.207-23-3235-5-1-1 Kompania HARK architecture SH.P.K. e themeluar në fillim të vitit 2024 është pjese e konzorciumit GOE Gerber Architekt International GmbH & HARK architect dhe si e tillë nuk obligohet për ta dëshmuar plotësimin e kriterit financiar si e veçantë nga Konzorciumi pjese e se cilës është në këtë aktivitet prokurimi.

Vlen të theksohet se me datë 23.09.2024, AK vlerësoi për herë të parë projektin si **projektin më të mirë dhe më të suksesshëm** dhe shpalli fitues konsorciumin **GOE Gerber Architekt International GmbH & HARK - architect**. Ky vendim u mor në bazë të dokumenteve financiare dhe teknike të paraqitura nga ky konsorcium, të cilat ishin në përputhje me të gjitha kërkesat dhe kriteret e përcaktuara në kushte të tenderit.

Duke pasur parasysh se konsorciumi ka përmbushur të gjitha kriteret dhe nuk ka pasur asnjë ndryshim në dokumentacionin e paraqitur, eliminimi i tij nga procesi i aktivitetit, më datën 31.10.2024, është plotësisht i paqartë. Ky eliminim krijon një kontradiktë të drejtpërdrejtë me vlerësimin fillestar dhe shpalljen e fituesve nga ana e AK-së.

Në këtë kontekst, mbetet e paqartë dhe e papranueshme pse një autoritet kontraktues që ka shpallur fitues një konsorcium për projektin më të mirë, më pas e ka eliminuar atë pa një arsyetim të qartë dhe **pa asnjë ndryshim substancial në dokumentacionin e paraqitur. Kjo ngre dyshime mbi transparencën dhe qëndrueshmërinë e procesit të vlerësimit dhe eliminimit të projekteve.**

Nr.	Identifikimi i Operatorëve Ekonomik	Shifra:	Projekti ideor (80 nga 100)	Oferta financiare (20 nga 100)	Gjithsejt :	Tenderi i Përgjegjshëm
1	GOE Gerber Architekt International GmbH & HARK ARCHITECT	5641	63.36 pikë	19.75	83.11 pikë	PO Çmimi vendi 1.
2	GOE BIG Partners Ltd & ALB ARCHITECT	2901	46.87 pikë	20	66.87 pikë	PO Çmimi vendi 2.
3	GOE MVRDV & OUD ARCHITECT	1111	57.69 pikë	/	/	JO

III. SHKELJA E LEGJISLACIONIT TË PROKURIMIT PUBLIK NGA ANA E AK NË PROCESIN E REALIZIMIT TË AKTIVITETEVE E PROKURIMIT NR. 207-24-1140-4-1-3

1. Vendimi për eliminimin e GOE nga aktiviteti i prokurimit është në kundërshtim me Ligjin e Prokurimit Publik Nr. 04/L-042 dhe atë si në vijim:

1.1 AK ka eliminuar GOE “Gerber Architekten International GmbH & HARK architecture në kundërshtim me nenin 7 të Ligjit për Prokurimin publik qe ka të bëjë me **Barazinë në Trajtim/Jo-Diskriminimi**. AK ne rastin konkret ka vepruar në kundërshtim me vet LPP neni 7, Rregulloren nr.001/2023, Udhëzuesin nr.001/2023 dhe vet praktikën e ndërtuar ndër vite nga vet AK – MKRS. Për ta konfirmuar faktin e trajtimit të pabarabartë dhe diskriminimin tonë, mjafton qe të shikohen shkresat e lëndës në tenderin me nr. **207-24-1140-4-1-3 Tenderi: Zhvillimi i projektit ideor dhe të hollësishëm, te arkitekturës dhe te inxhinierisë, për ndërtimin e *Teatrit te Operës dhe Baletit të Kosovës, në Prishtinë, ne Republikën e Kosovës - Ritenderim**, e zbatuar nga vet AK – MKRS.

Në tenderin “**Zhvillimi i projektit ideor dhe të hollësishëm, te arkitekturës dhe te inxhinierisë, për ndërtimin e *Teatrit te Operës dhe Baletit të Kosovës, në Prishtinë, ne Republikën e Kosovës – Ritenderim**” me qellim qe të shpallet fitues GOE BIG Partners Ltd & ALB ARCHITECT janë përdorur standarde te ndryshme në rastin e vlerësimit te dokumentacionit në veçanti atij financiar. Konzorciumi fitues ne shkresën e dërguar me 5 prill 2024 nga Iain Thom, kanë sqaruar se **nuk mund të paraqesin dokumentacionin financiar per 3 vite per faktin se viti fiskal mbaron me 30 shtator 2024**, kurse ne rastin e **GOE “Gerber Architekten International GmbH & HARK architecture** të njëjtit janë eliminuar per faktin se anëtari i konzorciumit nuk ka pasur mundësi të përmbush kerkesen e njejtë përkatësisht kushtit financiar te dorëzimit te pasqyrave financiare gjate 3 viteve të fundit. Mos te harrojme se e njejta ka bere deklarate te regjistrimit te kompanise me 29.02.2024 dhe se e njejta nuk mund te ofroje raporte financiare te audituara per arsye se raportet e audituara dhe pasqyrat financiare mirren ne muajin prill te vitit pas, ky dokument eshte dorezuar origjinal i nenshkruar dhe vulosur si dhe ne 2 kopje ne dosjet kopje te konkursit. Prandaj, kjo arsye e AK-se paraqet qasje diskriminuese dhe trajtim jo te barabarte ne mes te orperatoreve ekonomik e qe eshte ne kundërshtim **me nenin 7 të Ligjit për Prokurimin publik**

Për : Ministria e Kulturës RS dhe JÇK

Nga: **HARK Architecture**, Prishtinë

Data: 11.04.2024


DEKLARATË

Kompania HARK Architecture me numër unik identifikues 812133578 është një kompani e themeluar në vitin 2024 me seli në Prishtinë që operojmë në tregun vendor në aktivitetet e arkitekturës.

Kompania HARK Architecture nuk mund të ofrojë raportet financiare për 3 vitet e fundit pasi që jemi kompani e re për :

Projekti: Zhvillimi i projektit ideor dhe të hollësishëm, të arkitekturës dhe të inxhinierisë, për ndërtimin e Teatrit të Operës dhe Baletit të Kosovës, në Prishtinë, në Republikën e Kosovës - Ritenderim

HARK ARCHITECTURE
Shkurta Pacolli CEO



1.2 AK ka eliminuar GOE “Gerber Architekten International GmbH & HARK architecture në kundërshtim me nenin 71 lidhur me neni 68 të Ligjit për Prokurimin publik që ka të bëjë me Grupet e Operatorëve Ekonomik dhe Operatorët e Huaj Ekonomik dhe Gjendja Ekonomike dhe Financiar

AK ne letrën standarde ka sqaruar se njëra prej arsyeve të eliminimit ka qene se *HARK architecture njëra nga kompanitë në kuadër të Konzorciumit nuk ka arritur te plotësoi kriterin: 1.2-Raportet financiare, për secilin nga tre (3) vitet fiskale, të certifikuara nga një firmë e licencuar për auditim ose nga një auditor i pavarur i licencuar Ne rast te Grupit të operatoreve ekonomik- Konzorciumit (projektues), dëshmia duhet të dorëzohet ne veçanti për secilin Operator ekonomik (projektues) (pasi qe kompania është hapur në shkurt të vitit 2024). **Nenit 71** par. 4 i LPP*

përcakton se “Nëse një tender dorëzohet nga një **grup i operatorëve ekonomik**, secili anëtar i grupit është i obliguar të dëshmojë ose konfirmojë në përputhje me nenin 67 të këtij ligji, se nuk është i përjashtuar nga pjesëmarrja në aktivitetin e prokurimit sipas nenit 65 të këtij ligji. **Çdo kërkesë e vendosur nga një autoritet kontraktues sipas neneve 66.2, 68 dhe 69 të këtij ligji do të aplikohet vetëm ndaj grupit si tërësi dhe jo ndaj anëtarëve individual të grupit**”. Kurse neni 68 par.1 përcakton se “**Autoriteti kontraktues mund të kërkojë nga operatorët ekonomik që të parashtrajnë të dhëna për të treguar se ata i përmbushin kushtet minimale ekonomike dhe financiare të specifikuara në dosjen e tenderit dhe në njoftimin e kontratës. Kur kërkohet, qarkullim minimal vjetor që operatorët ekonomik duhet të kenë nuk do të kalojë dy herë vlerën e parashikuar të kontratës. Kërkesat mbi gjendjen ekonomike duhet të shprehen detyrimisht në shifra dhe do ti referohen maksimum tri viteve të fundit financiare...**”. Pra në rastin konkret dëshmia e kërkuar dokumentare në rast të Grupit të operatoreve ekonomik- Konsorciumit (projektues), dëshmia duhet të dorëzohet në veçanti për secilin Operator ekonomik (projektues) dhe eliminimi i konzorciumit për mos përmbushjen e këtij kriteri nga ana e anëtarit të konzorciumit është në kundërshtim me nenin 71 të LPP-se.

1.3 AK ka eliminuar GOE “*Gerber Architekten International GmbH & HARK-architecture* në kundërshtim me nenin 67 të Ligjit për Prokurimin publik që ka të bëjë me Provat Shkresore

AK ka eliminuar GOE “*Gerber Architekten International GmbH & HARK-architecture*” për shkak se raporti i paraqitur i auditimit financiar për 3 vitet fiskale nuk ka qene i noterizuar. Sipas kërkesës për dëshmi të kërkuar dokumentare AK ka kërkuar që një [1] kopje e origjinalit të auditimit të jetë e vërtetuar nga noteri. Konzorciumi ka paraqitur kopjen e origjinalit të vërtetuar nga noteri e cila është në gjuhën gjermane, kurse pas kërkesës së AK-së ***Gerber Architekten International GmbH*** ka paraqitur edhe përkthimin e këtij dokumenti. Në dosjen e tenderit askund nuk kërkohet që përkthimi i dokumenteve të jetë i noterizuar, një kërkesë e tillë nuk parashihet as në LPP përkundrazi në nenin 67 të LPP përcaktohet se “**KRPP përgatit dhe miraton rregullat lidhur me llojet e dokumenteve, provave dhe/ose deklaratave që operatori ekonomik duhet ti paraqes për të dëshmuar se ai nuk është i përjashtuar sipas dispozitave të nenit 65 të këtij ligji. KRPP-ja po ashtu duhet të përgatisë dhe miratojë rregulla për llojet e dokumentacionit që autoriteti kontraktues mund të kërkojë nga një operator ekonomik për të dëshmuar përshtatshmërinë e tij profesionale sipas nenit 66 të këtij ligji. KRPP-ja duhet të sigurojë që sipas rregullave në fjalë të mos kërkohet rreptësisht paraqitja e dokumenteve ose deklaratave që nuk janë në dispozicion në vende ose rajone të caktuara. KRPP-ja duhet të sigurojë që rregullat në fjalë në masë të arsyeshme të lejojnë operatorëve ekonomik paraqitjen e deklaratave nën betim, deklaratave të noterizuara e të ngjashme. Në të gjitha rastet, nga operatori ekonomik kërkohet që të pranojë mundësinë e sanksionimit të tij penal dhe civil si dhe përgjegjësinë e tij për dënimet dhe dëmet, nëse operatori ekonomik me dashje ose nga pakujdesia paraqet një dokument, deklaratë ose raport materialisht të pasaktë ose mashtrues.**”. Pra LPP kërkon që vetëm deklaratat nën betim dhe deklaratat tjera të ngjashme të

karakterit tjetër personal të noterizohen por në asnjë rast nuk kërkohet noterizim i dokumenteve zyrtare. AKK ka kompetencën e plotë të vërtetimit të saktësisë së dokumenteve dhe në çdo kohe që vërtetohet e kundërta AK ka të drejtën e ndërprerjes së aktivitetit të prokurimit për atë arsye dhe bartjen e përgjegjësisë penale dhe civile të Operatorit ekonomik nëse *“paraqet një dokument, deklaratë ose raport materialisht të pasaktë ose mashtrues”* siç përcaktohet në nenin 67 të LPP-së. Për më tepër **GOE “Gerber Architekten International GmbH & HARK architecture** ashtu siç është kërkuar nga AK ka paraqitur kopjen e noterizuar të origjinalit të auditimit financiar për 3 vite, e noterizuar të noteri Catherine Westerwelle me datën e noterizimit 10.04.2024 në Dortmund, Gjermani, kurse është dorëzuar dhe përkthimi nga Haxhi Berisha përkthyesi i licencuar nga RTC Treuhand GmbH & Co, KG | NORDDEUTSCHE AG | 5606128 | 644, e të cilat gjenden në dosjen e tenderit. Kështu që eliminimi i Konzorciumit për shkak se përkthimi është i panoterizuar është në kundërshtim me vet kërkesën e AK për dorëzimin e kopjes së noterizuar të dokumentit e që në këtë rast është dorëzuar kopja e noterizuar e raportit të auditimit si dhe është në kundërshtim me legjislacionin e prokurimit publik.

1.4 AK ka eliminuar GOE “Gerber Architekten International GmbH & HARK architecture në kundërshtim me nenin 81 të Ligjit për procedurën administrative dhe Ligjin për Prokurimin publik që ka të bëjë me “Rregullat e llogaritjes së afateve”

AK në letrën standarde ka arsyetuar eliminimin e **GOE “Gerber Architekten International GmbH & HARK architecture** me faktin se *“Operatori Ekonomik në fjalë ka paraqitur një raport të gjuhës shqipe por që i njëjti nuk është i noterizuar, ky raport është ngritur në sistem elektronik nga kompania në orën 19:10 tri pas afatit të paraqitur nga AK, po ashtu i njëjti nuk ka paraqitur dokumentin në fjalë në formë fizike siç ishte kërkesa e AK.*

Arsyeja e tillë për eliminimin e konsorciumit është në kundërshtim me Ligjin e procedurës administrative i cili është ligj special (lex specialis) për përcaktimin e afateve në procedurën administrative, procedurë e cila zhvillohet edhe në aktivitetet e prokurimit nga Autoriteti kontraktues. Neni 81 i Ligjit për procedurën administrative përcakton se *“1. Përveç kur parashikohet ndryshe me ligj, afatet do të përcaktohen në ditë, muaj apo vite. Mbarimi i afatit mund të përcaktohet edhe me një datë të caktuar kalendarike. 2. Kur afati përcaktohet në ditë, në llogaritjen e tij përjashtohet dita kur ka ndodhur ngjarja nga e cila fillon të ecën afati.”* Gjithashtu dhe legjislacioni i prokurimit publik të gjitha afatet i përcakton me ditë sikurse edhe AK që ka kërkuar plotësimin e dokumentacionit brenda 5 ditëve. AK me shkresën e datës 16/10/2024 ka dhënë afat 5 ditor Konzorciumit që të plotësoj dokumentacionin. Kështu që afati 5 ditor ka filluar të rrjedhë prej datës 17/10/2024 e i cili përfundon me datën 21/10/2024 në ora 23:59 kur dhe përfundon dita, për shkak se afati është i përcaktuar me ditë dhe jo me orë. Eliminimi i Konzorciumit me arsyen se ka kaluar 3 ore nga orari i punës përkatësisht se është ngarkuar në sistem në ora 19:10 është në kundërshtim me Ligjin e procedurës administrative dhe Legjislacionin e prokurimit publik.

The same should be uploaded to the electronic system and brought in the original to the premises of MKRS in the procurement office no. 020.

Without your response to the above questions within the time limit of 5 days, your tender will be rejected.

Sincerely,
Evaluation Committee/MKRS

Pra AK ka bere kerkese per sqarim nga GOE duke u bazuar ne RRUOPP pika 39 ne baze te te cilit AK mund te kerkoje sqarim te dosjes se tenderit dhe ne piken **39.6 thuhet “AK do te caktoj afat kohore te arsyeshem per OE per sqarim te tenderit te tyre”** dhe te njejtin ligj AK e ka shkelur duke mos respektuar afatin te cilin arsyeshem e ka caktuar ne kerkesen per sqarim te dokumenteve te dosjes se tenderit.

39.5 Autoriteti kontraktues mund të ftojë operatorët ekonomik për të plotësuar apo të qartësojnë certifikatat dhe dokumentet e paraqitura në pajtim me nenet 65-71 te LPP-se d.m.th dëshmitë e dorëzuara për kërkesat e përshtatshmërisë, kërkesat e përshtatshmërisë profesionale, gjendjes ekonomike dhe financiare dhe aftësisë teknike dhe profesionale, certifikatat e kualitetit, kërkesat e grupeve te OE.

39.6 AK do të caktoj afat kohorë të arsyeshëm për OE për sqarim të tenderit të tyre.

39.7 Nëse OE dështon të përgjigjet brenda afatit kohor të specifikuar nga AK tenderi përkatës do të refuzohet.

Gjithashtu AK ka shpallur fitues GOE BIG Partners Ltd & ALB ARCHITECT me **46.87 pikë** për projektin ideor (**vendi i trete ne dizajn**) dhe 20 pikë për ofertën financiare, gjithsej 66.87 pikë. E njejta ka bere kerkese per shqyrtim duke u bazuar ne “**dyshimet**” e tyre qe GOE “*Gerber Architekten International GmbH & HARK architecture* nuk ka pasur dokumentet ne gjuhen zyrtare te pranueshme ne MKRS pamvaresisht se dokumentet e tilla eshte dashur te jene te mbrojtura ne baze te kerkeses sone per sekret afarist.

Me kete rast AK ka shkelur RRUOPP pika 7 duke i ofruar casje operatoreve tjere ne dokumentet te cilat dokumente kane qene konfidenciale.

7. Informacione Sekrete të Biznesit dhe Qasja në Dokumentacion

7.1 Tenderët në proces të tenderimit zakonisht dorëzohen në baza konfidenciale. Në mënyrë që të ruhet integriteti i procesit dhe të respektohet pozita komerciale dhe konkurruese e tenderuesve, detajet e tenderëve, përveç informatave të cilat komunikohen gjatë seancës publike të hapjes, duhet të mbesin sekrete, deri në përfundim të aktivitetit të prokurimit.

7.2 Një aktivitet i prokurimit konsiderohet i përfunduar në datën e njoftimit të OE mbi rezultatin e aktivitetit të prokurimit. Qasja në të dhënat e aktivitetit të prokurimit fillon në datën e **pranimit nga OE të njoftimit mbi rezultatin e aktivitetit të prokurimit**.

7.3 Pas përfundimit të aktivitetit të prokurimit vetëm informatat e klasifikuara, nga OE dhe të pranuar nga AK, si sekrete të biznesit do të mbesin sekrete për të gjitha palët duke përfshirë RRPP, OSHP, përfshirë ekspertin shqyrtues dhe panelin shqyrtues dhe gjykatat kompetente.

7.4 Përveç dokumenteve të klasifikuara si informata sekrete të biznesit, AK do të ofroj, çdo pale të interesuar që bënë kërkesë, qasje të shpejtë dhe të arsyeshme në të gjitha të dhënat për aktivitetin e prokurimit. Pala e interesuar në fjalë do të ketë qasje në dokumente duke konsultuar ato në zyrën e prokurimit. Konsultimi në zyrën e prokurimit, nëse bëhet fjalë për më pak se 20 faqe A4 dhe qasje direkte të formës elektronike do të jenë të lira nga tarifa.

IV. Kërkesa e GOE “Gerber Architekten International GmbH & HARK-architecture”

Duke u bazuar në deklaratimet si më lartë, në provat dhe faktet e pakontestueshme, GOE i eliminuar ka përmbyshur të gjitha kërkesat e AK konform LPP dhe RRPP.

GOE “Gerber Architekten International GmbH & HARK architecture” i eliminuar, si parashtrues i kësaj kërkesë i propozon OSHP-së, që pas shqyrtimit të provave të paraqitura në këtë kërkesë, si dhe në mbështetje të plotë në LPP-në dhe Rregulloren për Prokurimin Publik, të nxjerrë këtë:

VENDIM

- I. **APROVOHET**, ankesa e GOE “Gerber Architekten International GmbH & HARK architecture” në tërësi si e bazuar.
- II. **ANULOHET** plotësisht njoftimi/vendimi i AK, MKRS, i datës **31.10.2024** sa i përket GOE “Gerber Architekten International GmbH & HARK architecture”, ashtu që GOE “Gerber Architekten International GmbH & HARK architecture” të shpallet i suksesshem në aktivitetin e prokurimit **Zhvillimi i projektit ideor dhe të hollësishëm, të arkitekturës dhe të inxhinierisë, për ndërtimin e *Teatrit të Operës dhe Baletit të Kosovës, në Prishtinë, në Republikën e Kosovës - Ritenderim me numër të prokurimit 207-24-1140-4-1-3.**

8. Dëmet materiale

Përshkruaj mënyrën se si shkelja e supozuar ka shkaktuar ose kërcënohet t'iu shkaktojë dëme materiale, ne rast se përfshini pretendime për kompensim.

Dëmet e shkaktuara me rastin e Sigurimeve të tenderit për shkak të shkeljeve dhe zvarritjeve të panevojshme të procedurës nga ana e AK. Shpenzime gjatë përgatitjes së projektit ideor dhe Kërkesës pranë Autoriteti Kontraktues si dhe humbjeve të fitimeve të planifikuara.

9. Lista e dokumenteve (dëshmime) të bashkangjitura

- a) Kopjen e noterizuar të origjinalit të auditimit financiar për 3 vite
- b) Deklaraten nga kompania HARK-architecture
- c) Kërkesen për sqarim të tenderit
- d) Sqarimi i tenderit – dokumentet e perkthyer në gjuhën shqipe
- e) Vendimi për eliminim të GOE nga aktiviteti
- f) Kërkesa për rishqyrtim
- g) Vendimi për refuzimin e kërkesës për rishqyrtim